

Euskal Parlamentuan Ibarretxek egin proposamenaz zer irakurketa egiten ahal ote dudan?

Nire lehen inpresioa da inizatiba berri hartzeko duela Espainiako boterearen golpeen ondoren erdi xorturik eta ezindurik gelditua zen abertzale mugimenduak.

Nahiz eta ez dudan Lizarra-Garazi denborako ilusioa sentitzen, berrikuntza da Euskal Herriko Institutio nagusiaren gidariak inplikatzeko parioa egiten dutela. Hori errana izan zaigu segurrik.

Entzun ditut batzuen kritikak, datozen hauteskundeak prestatzeko manioa bat baizik ez dela.

Inozoa izateko adina pasatu zait eta badakit boterearen eragina jukutiaz betea izaten ahal dela, baina ez zait gogotik ateratzen datorren urteko hauteskundearen traktazioak eta azpijokoak gaudituak direla jokatzeko ari denarekin.

Oraingoan EAJ alderdiak du inizatiba hartu. Zer izanen da ETaren erantzuna?

Munduko ordena berriaren babesa duen espainol boterea eta euskal gizar-

tearen nahiaren artean dago egiazko konfrontazioa!

Baina zer izanen da euskal gizartearen nahia ez badira gutienez abertzale tendentzia ezberdinak hurbiltzen?

Eta nor da mintzatzeko euskal gizar-tearen izenean?

Argi ukanez zazpi probintziek dutela Euskal Herria egiten eta batzen gaituzten hizkuntza, kultura eta historia bantzen gaituen oraingo zatiketa administratiboa baino lehenago daudela, ezin ditugu baztertu azken berrehun urteko gertakari, erabaki eta inposaketen ondorioak.

Abertzaleen ikusmoldea oso guti hedatua da oraino ofizialki ezagutua ez den Iparralde honetan, eta bizpahiru urteko epe laburra barne, Erkidego Au-

tonomoko gehiengoak hauta lezakeena ez dira prest onartzeko hemengo jendeak.

Orduan zer? Egoera eta erritmo ezberdinak izaki Euskal Herriko hiru zatia utziko ditugu elkarrengandik urruntzen?

Horrelakorik ez gertatzeko eta inposaketak ez duelako deus onik ekartzen ahal, elkarrengandik hurbiltzeko eta elkarrekin proiektu komunak sortzeko interesaz konbentzitu behar ditugu gure inguruko biztanleak. Beharrik ez gara deusetarik abian. Hor ditugu azken urteetan sortu diren Konsortzio, Euro Hiri eta mugaz gaineko hainbat egitura. Udalbiltza bateratu batek ukan lezakeen eragina ere funtsezkoa izanen dela pentsatzeko da.

Gainera Iparraldea ezagutuko duen instituzio baten sortzeko beharra eta galdea azkartuz joan den bezala, ondorio konkretu baten lortzeko estrategia bat argiki agertu behar dugu hemendik eta guri dagokigu, Iparraldeko abertzaleei, instituzio proiektu gero eta ausartagoak gizarteratzea, euskal departamenduaren eskakizunetik autonomia bezalako eskakizunerat pasatzeko.

Azkenik, Europaren ekarpena ere kontuan hartu behar dugu, lurralde guztietako euskaldunak bateraturik baizik ez baitira entzunak izanen handitzen eta aldatzen ari den Institutio horretan.

Ohartzen garen bezala, guretzat Iparraldean, ez dute berehalako ondorio-rik ekartzen Ibarretxeren deklarazioek eta parte handi batean geure gain dago aldaketaren gakoa, helburu orokorra begitik galdu gabe noski!

Ez ote da hori ere autodeterminazioa?

Bihar

Txema Ramirez de la Piscina
(EHUko irakaslea)

PSE-EE. Herriarren etxeetara liburuxkak bidaliko ditu

PSEk kanpaina bat abiatuko du Ibarretxeren «gezur nazionalista» agerian uzteko

EAEko lehendakariarekin bilduko dela baieztatu du Patxi Lopezek

Humberto Unzueta | BILBO

Juan Jose Ibarretxeren proposamenak alternatibarik baduela erakutsi asmoz, PSE-EEK kanpaina handi bat abiatuko du datorren astean. Sozialistek EAEko lehendakariaren ekimenaren «gezur nazionalista» agerian utzi eta Gernikako Estatutuaren balioa berresteari ekingo diote. Bezperan Jose Luis Rodriguez Zapaterok esandakoari jarraiki, PSE-EEK baietsi egin zuen Ibarretxerekin bilduko dela.

Patxi Lopezek atzo eman zituen kanpainaren zehaztasunak. Hasteko enpresaburu, sindikatu, biktima, irakasle eta bestelako eragileekin bilduko dira. Gero liburuxkak bidaliko dituzte etxeetara herriarrek beren alternatiba ezagut dezaten. Alternatiba hori Gernikako Estatutuaren inguruan oinarrituko dute eta lege honen balioa goratzeko zenbait ekitaldi publiko eta instituzional bultzatuko dituzte. Azkenik, Ibarretxeren egitasmoa indargabetzeko ekimenak bideratuko dituzte erakundeetan.

PSE-EEKo idazkari nagusiak ezagunak diren arrazoiak erabili zituen Ibarretxeren ekimena



ALFREDO ALDAI / EFE
Patxi Lopez atzoko prentsa agerraldiran, Bilbon.

errefusatzeko: abertzaleen aldekoa eta ez abertzaleen aurkakoa dela, zatikatzaila eta baztertzaila, legearen aurkakoa, eta Europar tokirik gabekoa, besteak beste.

Ibarretxeren asmoa legearen aurkakoa ere badela azpimarratu zuen Lopezek, Espainiako Kongresuak ezetza ematen diotenean, legitimitatearen izenean kasurik ez egitea planteatzen duelako. «Bakarrik tiranoek hobesten dute legitimitatea legearen aurretik».

Jakina bazen ere, Lopezek Ibarretxerekin bilduko dela baieztatu zuen. «Bere egitasmoa aurrera ateratzen ez diogula lagunduko jakinarazi eta indarkeriaren aurka egin eta askatasuna defenda dezan exijituko diogu», adierazi zuen. Lopezek alferrikakoa iritzi dio topaketari, «elkarriketak aurretik egin behar direlako, ez proposamena kaleratu ondoren».

Jaurlaritzako bozeramaile Josu Jon Imazek «estimatu» egin zuen Lopezek erabakia.

PP. PP-PSEk agintzen duten udaletan egingo du

PPk Ibarretxeren ekimena gaitzesteko mozioak aurkeztuko ditu udaletan

Agentziak | BILBO

PPk Ibarretxeren proposamena arbuizatzeko mozioak aurkeztuko ditu EAEko udaletan. PPk eta PSE-EEK gehiengoak duten udaletan aurkezteko asmoa du PPk. EAEko PPko presidentea Carlos Iturgaitzek atzo azaldu zuenez, PSE-EEKo ordezkariarekin bilduko da datorren egunetan Sestao, Santurtzi, Irun, Trapaga eta bestelako herrietan mozioak aurkezteko.

Ekimen horietan Ibarretxeren proiektua «berehala bertan behera uzteko» eskaera egiten da, «erakundearen artean eta euskal gizar-tearen baitan liskarra sortuko duelako». PPk

aurkeztuko duen mozioak dio Ibarretxeren proposamenak «haustura politiko, legala eta soziala» eragiten duela. Gisa berean, Gernikako Estatutuaren defentsa egiten du, «euskaldunon arteko elkarbizitza hobetzen duelako».

Testu hori udaletan ez ezik, Batzar Nagusietan, Eusko Jaurlaritzako Lehendakari-tzan, Eusko Legebiltzarrean eta Espainiako Gobernuan aurkeztuko da.

Iturgaitzen ustez, Ibarretxeren proposamenak independentzia bilatzen du eta «ETA-Batasunarekin ituna egin nahi du Estatutua aldatzeko beharrezkoa den gehiengo lortu ahal izateko».

EUSKO JAURLARITZA. Ekitaldi «irekia» egingo du

Eusko Jaurlaritzak Estatutuaren 23. urtemuga ospatuko du, Bilbon

E. Begiristain | GASTEIZ

Eusko Jaurlaritzak Gernikako Estatutuaren 23. urtemuga ospatuko du hilaren 25ean, Bilboko La Casillan. Gizarteari zuzendutako ekitaldi politiko «irekia» egingo du bertan Ibarretxeren gobernuak, eta EA-

Eko lehendakariak bere proposamena aurkeztuko du jendaurrean. Ekitaldia 20:00etan hasiko da.

Josu Jon Imaz Eusko Jaurlaritzako bozeramaileak atzo azaldu zuenez, Bilboko ekitaldian Estatutuaren berrespena ospatzeaz gainera, Madrilgo gobernuaren jarrerak Estatutuaren gaineko adostasuna «urratu» duela salatuko du Ibarretxek. Era berean, azken hogeita hiru urteetako autogobernuaren balantzea egingo du.